

98653

洛陽名園記

楊雪漁手抄

101756.15
554.1



洛陽名園記

宋李格非撰

富鄭公園

洛陽園池多因隋唐之舊獨富鄭公園最為近闢而景物最盛遊者自其第東出探春亭登四景堂則一園之景勝可顧覽而得南渡通津橋上方流亭望紫筠堂而還右旋花木中有百餘步走蔭榭亭賞幽臺抵重波軒而止直北走土筠洞自此入大竹中凡謂之洞者皆斬竹丈許引流穿之而徑其上橫為洞一曰土筠縱為洞三曰水筠曰石筠曰榭筠歷四洞之北有亭五錯列竹中曰藪玉曰披風曰漪嵐曰夾竹曰魚山稍南有梅臺又南有天光臺：

出竹木之杪遵洞之南而東還有卧雲堂：與四景堂並南北左右二山背壑通流凡坐此則一園之勝可擁而有也鄭公自還政事鍊第一切謝賓客燕息此園幾二十年亭臺花木皆出其目營心匠故逶迤衡直闔蕤深密皆曲有奧思

董氏西園

董氏西園亭臺花木不為行列區處周旋景物歲增月葺所成自南門入有堂相望者三稍西一堂在大地間逾小橋有高臺一又西一堂竹環之中有石芙蓉水自其花間湧出開軒窓四面甚敞盛夏燠暑不見畏日清風忽來留而不去幽禽靜鳴各詩得意此



山林之景而洛陽城中遂得之於此小路抵池：南有堂面高亭
堂雖不宏大而屈曲甚邃游者至此往：相失豈前世所謂迷樓
者類也元祐中有留守喜宴集於此

董氏東園

董氏以財雄洛陽元豐中少縣官錢糧盡籍入田宅城中二園因
蕪壞不治然其規模尚足稱賞東園北鄉入門有栝可十圍實小
如松實而甘香過之有堂可居董氏盛時載歌舞遊之醉不可歸
則宿此數十日南有敗屋遺趾獨流盃寸碧二亭尚完西有大池
中為堂榜之曰含碧水四面噴瀉池中而陰出之故朝夕如飛瀑

松竹齋

而池不溢洛人盛醉者走登其堂輒醒故俗目曰醒酒池址

環溪

環溪王開府宅園甚潔華亭者南臨池：左右翼而北過涼榭復
滙為大池周圍如環故云然也榭南有多景樓以南望則嵩高少
室龍門大谷層巒翠巘畢效竒於前榭北有風月臺以北望則隋
唐宮闈樓殿千門萬戶岵嶢璀璨延亘十餘里凡左太沖十餘年
極力而賦者可瞥目而盡也又西有錦廳秀野臺園中樹松檜花
木千株皆品別種殊除其中為島塢使可張幄次各待其盛而賞
之涼榭錦廳其下可坐數百人宏大壯麗洛中無逾者

劉氏園

劉給事園涼堂高卑制度適愜可人意有知木經者見之且云近世建造率務峻立故居者不便而易壞唯此堂正與法合西南有臺一區尤工緻方十丈許地而樓橫堂列廊廡回繚闌楯周接木映花承無不妍穩洛人目為劉氏小景今折為二不能與他園爭矣

叢春園

今門下侍郎安公買於尹氏岑寂而喬木森然桐梓檜柏皆就行列其大亭有叢春亭高亭有先春亭叢春亭出荼蘼架上北可望

松竹齋

洛水蓋洛水自西洶湧奔激而東天津橋者疊石為之直力溜其怒而納之於洪下洪下皆大石底與水爭噴薄成霜雪聲聞數十里予嘗窮冬月夜登是亭聽洛水聲久之覺清冽侵人肌骨不可留迺去

天王院花園子

洛中花甚多種而獨名牡丹曰花王凡園皆植牡丹而獨名此曰花園子蓋無他池亭獨有牡丹數十萬本凡城中賴花以生者畢家於此至花時張幙幄列市肆管絃其中城中士女絕煙火遊之過花時則復為邱墟破垣遺竈相望矣今牡丹歲益滋而姚黃魏

紫一枝千錢姚黃無賣者

歸仁園

歸仁其坊名也園盡此一方廣輪皆里餘北有牡丹芍藥千株中有竹百畝南有桃李彌望唐丞相牛僧孺園七里檜其故木也今屬中書李侍郎方勗亭其中河南城方五十餘里中多大園池而此為冠

苗帥園

節度使苗侯既貴欲極天下佳處卜居得河南河南園宅又猶家佳處得開寶宰相王溥園遂購之園既古景物皆蒼老復得完力

松竹齋

藻飾出之於是其有憑陵諸園之意矣園故有七葉松二樹對峙高百尺春夏望之如山然今勗堂其北竹萬餘竿皆大湍二三圍疏筠琅玕如碧玉椽今勗亭其南東有水自伊水派來可浮十石舟今勗亭壑其溪有大松七今引水繞之有池宜蓮荇今勗水軒板出水上對軒有橋亭制度甚雄侈然此猶未盡得王丞相故園水東為直龍圖閣趙氏所得亦大勗第宅園池其間稍北曰邾鄆陌陌列七丞相之第文潞公程丞相宅傍皆有池亭而趙韓王園獨可與諸園列

趙韓王園

趙韓王宅園國初詔將作營治故其經畫制作殆侔禁省韓王以太師歸是第百日而薨子孫皆家京師罕居之故園池亦以局鑰為常高亭大榭花木之淵藪歲時獨廝養擁篲負畚鍤者於其間而已蓋人之於宴閑每自吝惜宜甚於聲名爵位

李氏仁豐園

李衛公有平泉花木記百餘種耳今洛陽良工巧匠批紅判白接以他木與造化爭妙故歲益奇且廣桃李梅杏蓮菊各數十種牡丹芍藥至百餘種而又遠方奇卉如紫蘭茉莉瓊花山茶之儔號為難植獨植之洛陽輒與其土產無異故洛中園圃花木有至

松竹齋

千種者甘露院東李氏園人力甚治而洛中花木無不有中有四并迎翠濯纓觀德超然五亭

松島

松柏檜杉檜栝皆美木洛陽獨愛栝而敬松：島數百年松也其東南隅雙松尤奇在唐為袁象先園本朝屬李文定公丞相今為吳氏園傳三世矣頰菴亭榭池沼植竹木其傍南築臺北構堂東北曰道院又東有池：前後為亭臨之自東大渠引水注園中清泉細流涓：無不通處在他郡尚無有而洛陽獨以其松名

東園

文潞公東園本藥圃地薄東城水渺瀰甚廣汎舟遊者如在江湖間也淵映瀟水二堂宛在水中湘膚葯圃二堂間列竹石西去其第里餘今潞公官太師年九十尚時杖履遊之

紫金臺張氏

自東園並城而北張氏園亦饒水而富竹木有亭四河圖志云黃帝坐元扈臺郭璞云在洛汭或曰此其處也

水北胡氏園

水北胡氏二園相距十餘步在邛山之麓瀟水經其傍因岸穿二土穴深百餘尺堅完如埏埴開軒窓其前以臨水上水清淺則鳴

松竹齋

激湍瀑則奔駛皆可喜也有臺榭花木率在二室之東凡登覽徜徉俯瞰而峭絕天授地設不待人力而巧者洛陽獨有此園耳但其亭臺之名皆不足載之且亂實如其臺四望盡百餘里而縈伊繚洛乎其間林木蒼蔚烟雲掩映高樓曲榭時隱時見使畫工極思不可圖而名之曰玩月臺有菴在松檜藤葛之中闢傍牖則臺之所見亦畢陳於前避松檜攀藤葛的然與人目相會而名之學古菴其實皆此類

大字寺園

大字寺園唐白樂天園也樂天云吾有第在履道坊五畝之宅十

畝之園有水一池有竹千竿是也今張氏得其半為會隱園水竹尚甲洛陽但以其圖攷之則某堂有某水某亭有某木其水其木至今猶存而曰堂曰亭者無復彷彿矣豈因於天理者可久而成於人力者不可恃耶寺中樂天石刻存者尚多

獨樂園

司馬溫公在洛陽自號迂叟謂其園曰獨樂園：卑小不可與他園班其曰讀書堂者數十椽屋澆花亭者益小弄水種竹軒者尤小曰見山臺者高不過尋丈曰釣魚菴曰采藥圃者又特結竹抄落藩蔓草為之爾溫公自為之序諸亭臺詩頗行於世所以為人

松竹齋

欣慕者不在於園耳

湖園

洛人云園圃之勝不能相兼者六務宏大者少幽邃人力勝者少蒼古多水泉者難眺望兼此六者惟湖園而已予嘗遊之信然在唐為裴晉公宅園：中有湖：中有堂曰百花洲名蓋舊堂蓋新也湖北之大堂曰四并堂名蓋不足勝蓋有餘也其四達而當東西之谿者桂堂也截然出於湖之右者迎暉亭也過橫池披林莽循曲徑而後得者梅臺知止菴也自竹徑望之超然登之翛然者環翠亭也渺瀰重邃尤擅花卉之盛而前據池亭之勝者翠樾軒

也其大略如此若夫百花酣而白晝眩青蘋動而林陰合水靜而
跳魚鳴木落而羣峰出雖四時不同而景物皆好則又不可殫記
者也

呂文穆園

伊洛二水自東南分注河南城中而伊水尤清澈園亭喜得之若
又當其上流則春夏無枯涸之病呂文穆園在伊水上流木茂而
竹盛有亭三一在池中二在池外橋跨池上相屬也洛陽又有園
池中有一物時可稱者如大隱莊梅楊侍郎園流杯師子園師子
是也梅蓋早梅香甚烈而大說者云自大庾嶺移其本至此流杯

松竹齋

水雖急不傍觸為異師子非石也入地數十尺或以地攻之蓋武
后天樞銷鑠不盡者也舍北又有嘉猷會節恭安溪園等皆隋唐
宮園雖已犁為良田樹為桑麻矣然宮殿池沼與夫一時賢人會
集之盛今遺俗故老猶有識其所在而道其廢興之端者遊之亦
可以觀萬物之無常覽時之倏來而忽逝也

論曰洛陽處天下之中挾穀澗之阻當秦隴之襟喉而趙魏之走
集蓋四方必爭之地也天下常無事則已有事則洛陽必先受兵
予故嘗曰洛陽之盛衰天下治亂之候也方唐貞觀開元之間公
卿貴戚開館列第於東都者猶千有餘邸及其亂離繼以五季之

酷其池塘竹樹兵車蹂踐廢而為邱墟高亭大榭煙火焚燎化而為灰燼與唐共滅而俱亾無餘處矣予故嘗曰園圃之廢興洛陽盛衰之候也且天下之治亂候於洛陽之盛衰而知洛陽之盛衰候於園圃之廢興而得則名園記之作予豈徒然哉嗚呼公卿大夫方進於朝放乎一己之私意以自為而忘天下之治忽欲退享此樂得乎唐之末路是矣



松竹齋

古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室